

西漢會要

九

西漢會要卷第二十七

從事郎前撫州州學教授臣徐

天麟



運曆上

五運 正朔服色附



自齊威宣時騶子之徒論著終始五德之運

如淳曰今其書

有五德終始五德各以所勝為行秦謂周為火及秦德滅火者水故自謂水德師古曰騶子即騶衍

帝而齊人奏之故始皇采用之

郊祀志

秦兼天下頗推五勝而自以為獲水德乃以十月為

正色上黑漢興方綱紀大基庶事草創襲秦正朔以

北平侯張蒼用顓帝歷然正朔服色未覩其真云

云律歷志

三百一十

西漢會要卷第二十七

列

高祖立為沛公旗幟皆赤由所殺蛇白帝子所殺者

赤帝子也紀本

漢承堯運德祚已盛斷蛇著符旗幟尚赤協于火德

自然之應得天統矣高帝贊

漢興高祖曰北時待我而起亦自以為獲水德之瑞

雖明習歷及張蒼等咸以為然是時天下初定方綱

紀大基高后女主皆未遑故襲秦正朔服色歷書

文帝時賈誼以為漢興二十餘年宜當改正朔易服

色制度廼草具其儀法色上黃數用五帝謙遜未遑

也本傳

文帝十六年魯人公孫臣上書曰始秦得水德及漢

受之推終始傳則漢當土德土德之應黃龍見宜改
正朔服色上黃張蒼以為漢迺水德之時河決金隄
其符也年始冬十月色外黑內赤與德相應公孫臣
言非是罷之明年黃龍見成紀文帝召公孫臣拜為
博士與諸生申明土德草改歷服色事新垣平玉杯
詐覺是後文帝怠於改正服鬼神之事郊祀志
武帝即位天下艾安縉紳之屬皆望天子封禪改正
度也趙綰王臧議草改歷服色事未就竇太后不好
儒術使人按綰臧自殺郊祀志

元封七年司馬遷等言歷紀壞廢宜改正朔是時御
史大夫兒寬明經術上迺詔寬曰今宜何以為正朔

四、二十 西漢會要卷二十一 二 六十一

服色何上寬與博士賜等議皆曰帝王必改正朔易
服色所以明受命於天也創業變改制不相復推傳
序文則今夏時也於是迺詔以七年為元年律歷志

大初元年夏五月正歷呂正月為歲首色上黃數用

五張晏曰漢博士德土數五故用五定官名協音律紀

班固曰漢興之初庶事草創唯一叔孫生略定朝廷
之儀若迺正朔服色郊望之事數世猶未章焉至于
孝文始呂夏郊而張蒼據水德公孫臣賈誼更以為
土德卒不能明孝武之世文章為盛大初改制而兒
寬司馬遷等猶從臣誼之言服色數度遂順黃德彼
以為五德之傳從所不勝秦在水德故漢據土而克

之劉向父子曰為帝出于震故包羲氏始受木德其
後以母傳子終而復始自神農黃帝下歷唐虞三代
而漢得火焉故高祖始起神母夜號著赤帝之符旗
章遂赤自得天統矣昔共工氏臣土德開于木火與
秦同運非其次序故皆不永由是言之祖宗之制蓋
有自然之應順時宜矣

郊祀志贊

曆

漢興方綱紀大基庶事草創襲秦正朔以北平侯張
蒼言用顓帝歷比於六歷疏闊中最为微近然正朔
服色未覩其真而朔晦月見弦望滿虧多非是至武
帝元封七年漢興百二歲矣大中大夫公孫卿壺遂

大史令司馬遷等言歷紀壞廢宜改正朔是時御史
大夫兒寬明經術上廼詔寬曰與博士共議今宜何
以為正朔服色何上寬與博士賜等議皆曰帝王必
改正朔易服色所以明受命於天也創業變改制不
相復推傳序文則今夏時也臣等聞學褊陋不能明
陛下躬聖發憤昭配天地臣愚以為三統之制後聖
復前聖者二代在前也今二代之統絕而不序矣唯
陛下發聖德宣考天地四時之極則順陰陽以定大
明之制為萬世則於是廼詔御史曰廼者有司言歷
未定廣延宣問以考星度未能讎也蓋聞古者黃帝
合而不死名察發歛定清濁起五部建氣物分數然

則上矣書缺樂弛朕甚難之依違以惟未能修明其
以七年爲元年遂詔卿遂遷與侍郎尊大典星射姓
等議造漢歷廼定東西立畧儀下漏刻以追二十八
宿相距於四方舉終以定期晦分至躔離弦望廼以
前歷上元泰初四千六百一十七歲至於元封七年
復得闕逢攝提格之歲中冬十一月甲子朔旦冬至
日月在建星大歲在子巳得大初本星度新正姓等
奏不能爲筭願募治歷者更造密度各自增減以造
漢大初歷廼選治歷鄧平及長樂司馬可酒泉侯宜
君侍郎尊及與民間治歷者凡二十餘人方士唐都
巴郡落下閎與焉都分天部而閎運筭轉歷其法以
律起歷曰律容一龠積八十一寸則一日之分也與
長相終律長九寸百七十一分而終復三復而得甲
子夫律陰陽九六爻象所從出也故黃鐘紀元氣之
謂律律法也莫不取法焉與鄧平所治同於是皆觀
新星度日月行更以筭推如閎平法法一月之日二
十九日八十一分日之四十三先藉半日名曰陽歷
不藉名曰陰歷所謂陽歷者先朔月生陰歷者朔而
後月廼生平曰陽歷朔皆先日月生以朝諸侯王羣
臣便廼詔遷用鄧平所造八十一分律歷罷廢尤䟽
遠者十七家復使校歷律昏明官者淳于陵渠復覆
天初歷晦朔弦望皆最密日月如合璧五星如連珠

陵渠奏狀遂用鄧延。歷以平爲大史丞。後二十七年元鳳三年，大史令張壽王上書言：「歷者天地之大紀，上帝所爲，傳黃帝調律歷。漢元以來，用之今陰陽不調，宜更歷之過也。」詔下主歷使者鮮于妄人詰問。壽王不服，妄人請與治歷大司農中丞麻光等二十餘人雜候日月晦朔弦望八節二十四氣，鈞校諸歷用狀奏可。詔與丞相御史大將軍右將軍史各一人雜候上林清臺課諸歷，䟽密凡十一家。以元鳳三年十一月朔旦冬至，盡五年十二月，各有第。壽王課䟽遠，案漢元年不用黃帝調歷，壽王非漢歷，逆天道非所宜言，大不敬。有詔勿劾，復候盡六年。大初歷第一。

即墨徐萬且，長安徐禹治。大初歷亦第一。壽王及待詔李信治黃帝調歷課，皆䟽闊。又言黃帝至元鳳三年，六千餘歲，丞相蕭寶長安單安國安陵括育治終始言黃帝以來三千六百二十九歲，不與壽王合。壽王又移帝王錄舜禹年歲不合人年。壽王言化益爲天子，代禹驪山女亦爲天子，在殷周間皆不合經術。壽王歷廼大史官殷歷也。壽王猥曰：「安得五家歷？」又妄言大初歷虧四分日之三，去小餘七百五分。以故陰陽不調，謂之亂世。劾壽王吏八百石，古之大夫服儒衣，誦不祥之辭，作祆言，欲亂制度，不道。奏可。壽王候課比三年下終，不服，再劾死。更赦勿劾，遂不更。

誹謗益甚竟以下吏故歷本之驗在於天自漢歷初起盡元鳳六年三十六歲而是非堅定至孝成世劉向總六歷列是非作五紀論向子歆究其微眇作三統歷及譜以說春秋推法密要故迷焉律歷志

漢興高祖曰此時待我而起亦自以為獲水德之瑞雖明習歷及張蒼等咸以為然是時天下初定方綱紀大基高后女主皆未遑故襲秦正朔服色至孝文時魯人公孫臣以終始五德上書言漢得土德宜更元改正朔易服色當有黃龍見事下丞相張蒼

張蒼亦學律歷以為非是罷之其後黃龍見成紀張蒼自黜所欲論著不成而新垣平以望氣見頗言正

四六 西漢會要十七 六 蔡生

歷服色事貴幸後作亂故孝文帝廢不復問至今上即位招致方士唐都分天部漢書音義曰謂分部而巴落下閔運算轉歷然後日辰之度與夏正同乃改元更官號封泰山因詔御史曰乃者有司言星度之未定也廣延宣問以理星度未能詹也蓋聞昔者黃帝合而不死名察度驗定清濁起五部建氣物分數

應劭曰言黃帝造歷得仙名節會察寒暑致啓開分至定清濁起五部五部金木水火土也建氣物分數皆叙歷之意也孟康曰合作也黃帝作歷歷終復始無窮已故曰不死清濁律聲之清濁也五部五行也天有四時分爲五行也氣二十四氣物萬物也分歷數之分也黃帝聖德與虛合契燕龍登仙於天故曰合而不死題名宿度候察然蓋治矣書缺樂弛進退謂三辰之度吉凶之驗也朕甚閔焉朕唯未能循明也紬績日分率應水德之

勝徐廣曰蓋以為今日順夏至黃鐘為宮林鐘為祉

太族為商南呂為羽姑洗為角自是以後氣復正羽

聲復清名復正變以至子日當冬至則陰陽離合之

道行焉十一月甲子朔旦冬至已詹其更以七年為

大初元年年名焉逢攝提格徐廣曰歲陰在寅左月

名畢聚日得甲子夜半朔旦冬至歷書

元始中王莽秉政欲耀名譽召天下通知鐘律者百

餘人使羲和劉歆典領條奏言之最詳故刪其偽辭

取正義著于篇律歷志

漢高祖皇帝著紀伐秦繼周木生火故為火德天下

號曰漢距上元年十四萬三千二十五歲歲在大棣

西漢會要二十七

之東并二十二度鶡首之六度也故漢志曰歲在大

棣名曰頓牂大歲在午

八年十一月乙巳朔旦冬至楚元三年也故殷歷以

為丙午距元朔七十六歲

著紀高帝即位十二年

惠帝著紀即位七年

高后著紀即位八年

文帝前十六年後七年著紀即位二十三年

景帝前七年中六年後三年著紀即位十六年

武帝建元元光元朔各六年元朔六年十一月甲申

朔旦冬至殷歷以為乙酉距初元七十六歲元狩元

鼎元封各六年漢歷大初元年距上元十四萬三千一百二十七歲前十一月甲子朔旦冬至歲在星紀婺女六度故漢志曰歲名困頓正月歲星出婺女大初天漢大始征和各四年後二年著紀即位五十四年

昭帝始元元鳳各六年元平一年著紀即位十三年宣帝本始地節元康神爵五鳳甘露各四年黃龍一年著紀即位二十五年

元帝初元二年十一月癸亥朔且冬至殷歷以為甲子以為紀首是歲也十月日食非合辰之會不得為紀首距建武七十六歲初元永光建昭各五年竟寧

三十五八 西漢會要卷二十七 八

一年著紀即位十六年

成帝建始河平陽朔鴻嘉永始元延各四年綏和二年著紀即位二十六年

哀帝建平四年元壽二年著紀即位六年

平帝著紀即位元始五年以宣帝元孫嬰為嗣謂之

孺子莽紀新都侯王莽居攝三年王莽居攝盜襲帝

位竊號曰新室始建國五年天鳳六年地皇二年著

紀盜位十四年更始帝著紀以漢宗室滅王莽即位

二年赤眉賊立宗室劉盆子滅更始帝自漢元年訖

更始二年凡二百三十歲

並律 歷志

改元

文帝十六年新垣平言上曰闕下有寶玉氣來者已
視之果有獻玉杯者刻曰人主延壽平又言臣候日
再中居頃之日卻復中於是始更以十七年為元年

郊祀志

武帝建元元年本紀師古曰自古帝王未有年號始起於此劉攽曰封禪書云其後二年

有司言元豐以天瑞命不宜以一二數推所謂其後三年者蓋盡元狩六年至元鼎三年也然元鼎四年方得寶鼎又無緣先三年而稱之以此而言自元鼎以前之元皆有司所追命其實年號之起在元鼎耳故元封改元則始有詔書矣

有司言元宜以天瑞不宜以一二數一元曰建二元

以長星曰光今郊得一角獸曰狩云郊祀志

元封元年詔曰朕呂眇身承至尊兢兢焉惟德菲薄

禮記卷之六十五

不明于禮樂故用事八神遭天地况施著見景象昏

然如有聞震于怪物欲止不敢遂登封泰山至于梁

父然後升禮肅然自新嘉與士大夫更始其呂十月

為元封元年武紀

元封七年漢興百二歲矣大中大夫公孫卿壺遂大

史令司馬遷等言歷紀壞廢宜改正朔是時御史大

夫兒寬明經術上廼詔寬曰與博士共議今宜何以

為正朔服色何上寬與博士賜等議皆曰帝王必改

正朔易服色所以明受命於天也創業變改制不相

復推傳序文則今夏時也臣等聞學褊陋不能明陛

下躬聖發憤昭配天地臣愚以為三統之制後聖復

前聖者二代在正則也今二代之統絕而不序矣唯陛下發聖德宣考大地四時之極則順陰陽以定大明之制為萬世則於是廼詔御史曰廼者有司言歷未定廣延宣問以考星度未能讎也蓋聞古者黃帝合而不死名察發燮定清濁起五部建氣物分數然則上矣書缺樂弛朕甚難之依違以惟未能修明其以七年為元年

律歷志

宣帝神爵元年詔曰朕承宗廟戰戰栗栗惟萬事統未燭厥理廼元康四年嘉穀元稷降于郡國神爵仍集金芝九莖產于函德殿銅池中九真獻奇獸南郡獲白虎威鳳為寶朕之不明震于珍物飭躬齋精祈為百姓東濟大河天氣清靜神魚舞河幸萬歲宮神爵翔集朕之不德懼不能任其以五年為神爵元年

本紀

元帝竟寧元年春正月匈奴虜韓邪單于來朝詔曰匈奴至支單于背叛禮義既伏其辜虜韓邪單于不忘恩德鄉慕禮義復修朝賀之禮願保塞傳之無窮邊垂長無兵革之事其改元為竟寧

本紀

成帝河平元年春三月詔曰河決東郡流漂二州校尉王延世隄塞輒平其改元為河平

本紀

河平四年火生石中改元為陽朔

紀

哀帝建平二年待詔夏賀良等言赤精子之讖漢家

歷運中衰當再受命宜改元易號詔曰漢興二百載
歷數開元皇天降非材之佑漢國再獲受命之符朕
之不德曷敢不通夫基事之元命必與天下自新其
大赦天下以建平二年爲大初元年號曰陳聖劉大
平皇帝漏刻以百二十爲度八月詔曰待詔夏賀良
等建言改元易號增益漏刻可以永安國家朕過聽
賀良等言莫爲海內獲福卒亡嘉應皆違經背古不
合時宜六月甲子制書非赦令也皆蠲除之賀良等
反道惑衆下有司皆伏辜本紀

西漢會要卷第二十七

西漢會要卷第二十八

從事郎前撫州州學教授臣徐天麟上進

運曆下

天文

漢元年十月五星聚東井

三年秋大白出西方有光幾中乍北乍南過期迺入辰星出四孟

七年月暈圍參畢七重

十二年春熒惑守心

孝惠二年天開東北廣十餘丈長二十餘丈

孝文後二年正月壬寅天攬夕出西南其四月乙巳

水火三合於東井八月天狗下梁壅其十一月戊

戌水火合於危其七月火東行行畢陽環畢東北出

而西逆行至昴即南廼東行

孝景元年正月癸酉金水合於婺女其七月乙丑金

木水三合於張其二年七月丙子火與水晨出東方

因守斗其十二月水火合於斗是歲彗星出西南七

月天狗下

三年填星在婁幾入還居奎

四年七月癸未火入東井行陰又以九月己未入輿

鬼戊寅出

中元年填星當在觜觶參去居東井其三年正月丁

亥金木合為觜觶其三月丁酉彗星夜見西北色白
長丈在觜觶旦去益小十五日不見其五月甲午金
木俱在東井戊戌金去木留守之二十日其六月壬
戌蓬星見西南在房南去房可二丈大如二斗器色
白癸亥在心東北可長丈所甲子在尾北可六丈丁
卯在箕北近漢稍小且去時大如桃壬申去凡十
日

中三年十一月庚午夕金火合於虛相去一寸

四年四月丙申金木合於東井其五年四月乙巳水
火合於參

後元年五月壬午火金合於輿鬼之東北不至柳出
輿鬼北可五寸

孝武建元三年三月有星孛于注張歷太微于紫宮
至于天漢

三年四月有星孛於天紀至織女
六年熒惑守輿鬼

元光元年六月客星見于房

元光中天星盡捨

元鼎五年太白入于大苑

元鼎中熒惑守南斗

元封中星孛于河戌

太初中星孛于招搖

孝昭元始中蓬星出西方天市東門仁過河鼓入營
室中後太白出西方下行一舍復上行二舍而下去
後太白出東方入咸池東下入東井後太白入太微
西藩第一星北出東藩第一星北東下去後太白入
昴後熒惑出東方守太白後流星下燕萬載宮極東
去

元鳳四年九月客星在紫宮中斗樞極間

五年四月燭星見奎婁間

元平元年正月庚子日出時有黑雲狀如焱風亂鬚
轉出西北東南行轉而西有頃亡

二月甲由晨有大星如月有衆星隨而西行乙酉群
雲如狗赤色長尾三枚夾漢西行

三月丙戌流星出翼軫東北于太微入紫宮始出小
日入大有光入有頃聲如雷三鳴止

孝宣本始元年四月壬戌甲夜辰星與參出西方其
二年七月辛亥夕辰星與翼出皆為蚤其後熒惑守
房之鉤鈐

四年七月甲辰辰星在翼月犯之是日熒惑入輿鬼
天質

地節元年正月戊午乙夜月食熒惑熒惑在角亢其
六月戊戌甲夜客星又居左右角間東南指長可二
尺色白其丙寅又有客星見貫索東北南行至七月

癸酉夜入天市芒炎東南指其色白

黃龍元年三月客星居王梁東北可九尺長丈餘西指出閣道間至紫宮

元帝初元元年四月客星大如瓜色青白在南斗第二星東可四尺

二年五月客星見昴分居卷舌東可五尺青白色炎長三寸

五年四月彗星出西北赤黃色長八尺所後數日長丈餘東北指在參分

孝成建始元年九月戊子有流星出文昌色白光燭地長可四丈大一圍動搖如龍蛇形有頃長可五六

西漢書卷之九

四

意

丈大四圍所詘折委曲貫紫宮西在斗西北子亥間後詘如環北方不合留一刻所

四年七月熒惑隕歲星居其東北半寸所如連李時歲星在關星西四尺所熒惑初從畢口大星東東北往數日至往疾去遲

四年十一月乙卯月食填星星不見時在輿鬼西北八九尺所

河平二年十月下旬填星在東井軒星南端大星尺餘歲星在其西北尺所熒惑在其西北二尺所皆從西方來填星貫輿鬼先到歲星次熒惑亦貫輿鬼十一月上旬歲星熒惑西去填星皆西北逆行

陽朔元年七月壬子月犯心星

四年閏月庚午飛星大如缶出西南入斗下

永始元年二月癸未夜東方有赤色大三四圍長二三丈索索如木南方有六四五圍下行十餘丈皆不

至地滅

元延元年四月丁酉日鋪時天暝晏殷殷如雷聲有流星頭大如缶長十餘丈皎然赤白色從日下東南去四面或大如盂或如雞子燿燿如雨下至昏止

綏和元年正月辛未有流星從東南入北斗長數十丈一刻所息

二年春熒惑守心

哀帝建平元年正月丁未日出時有著天白氣廣如

一匹布長十餘丈西南行謹如雷一刻而止名曰天狗

十二月白氣出西南從地上至天出參下

貫天六廟廣如一匹布長十餘丈十餘日去

二年二月彗星出牽牛七十餘日

元壽元年十一月歲星入太微逆行干右執法並天文志

權量

張蒼定章程高紀如淳曰章程歷數之章術也程者權衡丈尺斗斛之平法也

一曰備數二曰和聲三曰審度四曰嘉量五曰權衡數者一十百千萬也所以筭數事物順性命之理也

夫推歷生律制器規圓矩方權重衡平準繩嘉量探
隲索隱鈎深致遠莫不用焉度長短者不失豪釐量
多少者不失圭撮權輕重者不失黍粟其法在筭術
職在大史義和掌之

聲者宮商角祉羽也職在大樂大常掌之

度者分寸尺丈引也所以度長短也本起黃鐘之長
以子穀秬黍中者一黍之廣度之九十分黃鐘之長
一爲一分十分爲寸十寸爲尺十尺爲丈十丈爲引
而五度審矣其法用銅高一寸廣二寸長一丈而分
寸尺丈存焉用竹爲引高一分廣六分長十丈其方
法矩高廣之數陰陽之象也分者自三微而成著可
分別也寸者忖也尺者獲也丈者張也引者信也夫
度者別於分忖於寸獲於尺張於丈信於引引者信
天下也職在內官廷尉掌之

量者龠合升斗斛所以量多少也本起於黃鐘之龠
用度數審其容以子穀秬黍中者千有二百實其龠
以井水準其槩十龠爲合十合爲升十升爲斗十斗
爲斛而五量嘉矣其法用銅方尺而圓其外旁有庇
焉其上爲斛其下爲斗左耳爲升右耳爲合龠其狀
似爵以麋爵祿上三下二參天兩地圓而函方左一
右二陰陽之象也其圜象規其重二鈞備氣物之數
合萬有一千五百二十聲中黃鐘始於黃鐘而反瑟復

焉君制器之象也。龠者黃鐘律之實也。躍微動氣而生物也。合者合龠之量也。升者登合之量也。斗者聚升之量也。斛者角斗平多少之量也。夫量者躍於龠合於合，登於升，聚於斗，角於斛，職在大倉大司農掌之。衡權者衡平也。權重也。衡所以任權而均物，平輕重也。其道如底以見準之正，繩之直，左旋見規，右折見矩，其在天也。佐助旋機，斟酌建指以齊七政，故曰玉衡。論語云：立則見其參於前也，在車則見其倚於衡也。又曰：齊之以禮，此衡在前，居南方之義也。權者銖兩，斤鈞石也。所以稱物平施，知輕重也。本起於黃鐘之重，一龠容千二百黍，重十二銖，兩之爲兩，二十四銖爲兩，十六兩爲斤，三十斤爲鈞，四鈞爲石，付爲十八易，十有八變之象也。五權之制以義立之，以物鈞之，其餘小大之差以輕重爲宜。圜而環之，令之肉倍好者，周旋無端終而復始，無窮已也。銖者物繇忽微，始至於成，著可殊異也。兩者兩黃鐘律之重也。二十四銖而成兩者，二十四氣之象也。斤者明也。三百八十四銖易二篇之交，陰陽變動之象也。十六兩成斤者，四時乘四方之象也。鈞者均也。陽施其氣，陰化其物，皆得其成就平均也。權與物均重萬一千五百二十銖，當萬物之象也。四百八十兩者，六旬行八節之象也。三十斤成鈞者，一月之象也。石者大也。權之大

者也始於銖兩於兩明於斤均於鈞終於石物終石
大也四鈞為石者四時之象也重百二十斤者十二
月之象也終於十二辰而復於子黃鐘之象也千九
百二十兩者陰陽之數也三百八十四爻五行之象
也四萬六千八十銖者萬一千五百二十物歷四時
之象也而歲功成就五權謹矣權與物鈞而生衡衡
運生規規圜生矩矩方生繩繩直生準準正則平衡
而鈞權矣是為五則規者所以規圜器械令得其類
也矩者所以矩方器械令不失其形也規矩相須陰
陽位序園方乃成準者所以揆平取正也繩者上下
端直經緯四通也準繩連體衡權合德百工繇焉以

西征舍更二十八

八

程氏

定法式

凡律度量衡用銅者名自名也所以同天下齊風俗
也銅為物之至精不為燥溼寒暑變其節不為風雨
暴露改其形介然有常有似於士君子之行是以周
銅也用竹為引者事之宜也

並律
曆志

時令

文帝元年詔曰方春和時草木羣生之物皆有以自
樂而吾百姓鰥寡孤獨窮困之人或陷於死云而莫
之省憂為民父母將如何其議以以振貸之 上紀
宣帝時魏相表采易陰陽及月堂奏之 臣聞易
曰天地以順動故日月不過四時心聖王以順動

故刑罰清而民服天地變化必

陽之分以
是成各有

日爲紀日冬夏至則八風之位
常職不得相下東方之神大昊乘震執規司春南方
之神炎帝乘離執衡司夏西方之神少昊乘兌執矩
司秋北方之神顓帝乘坎執權司冬中央之神黃帝
乘坤艮執繩司下土茲五帝所司各有時也東方之
卦不可以治西方南方之卦不可以治北方春與兌
治則饑秋與震治則華冬與離治則泄夏與坎治則
雹明王謹于尊天尊于養人故立羲和之官以乘四
時節授民事君動靜以道奉順陰陽則日月光明風
雨時節寒暑調和三者得叙則災害不生五穀熟絲

麻遂山木茂鳥獸蕃民不夭疾衣食有餘若是則君
尊民說上下亡怨政教不違禮遜可興夫風雨不時
則傷農桑農桑傷則民飢寒飢寒在身則亡廉恥寇
賊姦宄所繇生也臣愚以爲陰陽者王事之本羣生
之命自古賢聖未有不繇者也天子之義必純取法
天地而觀於先聖高帝所述書天子所服第八曰大
謁者臣章受詔長樂宮曰令羣臣議天子所服以安
治天下相國臣何御史大夫臣昌謹與將軍臣陵大
子大傅臣通等議春夏秋冬天子所服當法天地之
數中得人和故自天子王侯有土之君下及兆民能
法天地順四時以治國家身亡翫殃年壽永究是奉

宗廟安天下之大禮也臣請法之中謁者趙堯舉春
李舜舉夏兒湯舉秋貢禹舉冬四人各職一時大謁
者襄章奏制曰可孝文皇帝時以二月施恩惠於天
下賜孝弟力田及罷軍卒祠死事者頗非時節御史
大夫朝錯時為太子家令言其狀臣相伏念陛下恩
澤甚厚然而災氣未息竊恐詔令有未合當時者也
願陛下選明經通知陰陽者四人各主一時時至明
言所職以和陰陽天下幸甚相傳

元康三年六月詔三輔毋得以春夏摘巢探卵彈射

飛鳥具為令紀

立春行冤獄使者出張敞傳

西漢書卷之二十八

十一

部

元帝初元三年詔百官勉之母犯四時之禁本紀

永光三年十一月詔曰廼者已丑地動中冬雨水大

霧盜賊並起吏何不以時禁各悉意對本紀師占日

所當禁斷者也

甘延壽陳湯上䟽斬郅支首及名王呂下宜垂頭橐

街事下有司丞相康衡御史大夫繁延壽呂為月令

春掩骼埋胔之時宜勿垂車騎將軍許嘉右將軍王

商呂為夾谷之會優施笑君孔子誅之盛夏首足

異門而出宜垂十日乃埋之有詔將軍議是陳湯傳

建昭五年詔曰方春農桑興百姓戮力自盡之時也

故是月勞農勸民無使後時今不良之吏覆案小罪

追召證案與不急之事以妨百姓使失一時之作二終歲之功公卿其明察申救之紀

成帝陽朔二年春寒詔曰昔在帝堯立羲和之官命以四時之事今不失其序故書云黎民於蕃時雍明以陰陽為本也今公卿大夫或不信陰陽薄而小之所奏請多違時政傳以不知周行天下而欲望陰陽和調豈不謬哉其務順四時月令紀

鴻嘉元年二月詔曰方春生長時臨遣諫大夫理等舉三輔三河弘農冤獄紀

哀帝即位李尋對曰辰星主四時四時失序則辰星作異今出於歲首之孟天所以譴告陛下也加以號

四時

西漢會要二十八

十一

令不順四時間者春二月治大獄時賊陰立逆恐歲小收季夏舉兵法時寒氣應恐後有霜雹之災秋月行封爵其月土溼輿恐後有雷雹之變古之王者尊天地重陰陽敬四時嚴月令今朝廷忽於時月之令諸侍中尚書近臣宜皆令通知月令之意設羣下請事若陛下出令有謬於時者當知爭之以順時傳

梁王立殺人遣廷尉大鴻臚雜問對曰冬月迫促貪生畏死即詐僵仆陽病徼幸得踰於湏臾師古曰典

死謹以實對時冬月盡其春大赦不治本傳

孫寶以春月作詆欺免為庶人本傳

王溫舒為河內太守捕郡中豪猾大者至族小者乃

死會春温舒頓足歎曰今冬月之無展一月足吾事矣

本傳師古曰立春之後不復行刑故云然

張敞收繫舜繫獄是時冬月未盡數日晝夜驗治竟致其死敞使告舜曰五日京兆竟何如冬月已盡延

命乎敞傳

劉向坐鑄偽黃金得踰冬減死論本傳服虔曰踰冬至春行寬大而裁

死罪

諸葛豐以春夏繫治人在位多言其短上廼制詔御史豐前為司隸不順四時專作苛暴其免為庶人傳孫寶以立秋日補侯文東部督郵入見勅曰今日鷹隼始擊當順天氣取姦惡以成嚴霜之誅寶傳

二十六

十一

鄧

冬月治請讞于定國傳

冬月傳屬縣囚會論府上嚴延年傳

平當為丞相以冬月賜爵關內侯本傳李奇曰以冬月非封侯時故且

先賜爵關內侯

孔光等請謁者召王嘉詣廷尉詔獄永信少府猛等十人以為今春月寒氣錯謬霖露數降宜示天下以寬

和王嘉傳

西漢會要卷第二十八

西漢會要卷第二十九

從事郎前撫州州學教授

徐天麟

上進

祥異二

符瑞

高祖被酒夜徑澤中令一人行前行前者還報曰前有大蛇當徑願還高祖醉曰壯士行何畏乃前拔劍斬蛇蛇分為兩道開行數里醉困卧後人來至蛇所有一老嫗夜哭人問嫗何哭嫗曰人殺吾子人曰嫗子何為見殺嫗曰吾子白帝子也化為蛇當道今者赤帝子斬之故哭人乃以嫗為不誠欲苦之嫗因忽不見紀

三、小、廿、九

一

思

秦始皇帝嘗曰東南有天子氣於是東游以厭當之高祖隱於芒碭山澤間吕后與人俱求常得之高祖怪問之吕后曰季所居上常有雲氣故從往常得季紀

漢元年冬十月五星聚東井

紀應驗曰東井秦之分野五星所在當有聖人

以義取天下

文帝十五年黃龍見於歲紀

武帝元狩元年行幸雍祠五時獲白麟作白麟之歌二年夏馬生余吾水中南越獻馴象能言鳥

元鼎元年得鼎汾水上

四年得寶鼎后土祠旁秋馬生渥洼水中作寶鼎天

馬之歌

元封二年甘泉宮內中產芝九莖連葉作芝房之歌
大始二年詔曰往者朕郊見上帝西登隴首獲白麟
呂饋宗廟渥洼出天馬泰山見黃金宜改故名今更
黃金爲麟趾裏蹠以協瑞焉因呂頒賜諸侯王
三年行幸東海獲赤鴈作朱鴈之歌

昭帝始元元年二月黃鵠下建章宮大液池中公卿
上壽

三年鳳皇集東海遣使者祠其處

宣帝本始元年鳳皇集膠東千乘

四年鳳皇集北海安丘淳于

地節二年四月鳳皇集魯郡群鳥從之

元康元年詔曰迺者鳳皇集泰山陳留甘露降未央
宮朕未能章先帝休烈協寧百姓承天順地調序四
時獲蒙嘉瑞賜茲祉福夙夜兢兢靡有驕色內省匪
解永惟罔極書不云虞鳳皇來儀庶尹允諧其赦天
下賜勤事吏中二千石百石下至六百石爵自中郎吏
至五大夫佐史以上二級民一級女子百戶牛酒加
賜鰥寡孤獨三者孝弟力田帛所振貸勿收

三年春以神爵數集泰山賜諸侯王丞相將軍列侯
二千石金郎從官帛各有差賜天下吏爵二級民一
級女子百戶牛酒鰥寡孤獨高年帛

六月詔曰前年夏神爵集雍令春五色鳥以萬數飛過屬縣翔翔而舞欲集未下其令三輔毋得以春夏摘巢探卵彈射飛鳥具爲令

四年三月詔曰廼者神爵五采以萬數集長樂未央北宮高寢甘泉泰畤殿中及上林苑朕之不逮寡于德厚屢獲嘉祥非朕之任其賜天下吏爵二級民一級女子百戶牛酒加賜三老孝弟力田帛人二匹鰥寡孤獨各一匹

神爵元年詔曰朕承宗廟戰戰栗栗惟萬事統未燭厥理廼元康四年嘉穀元稷降于郡國神爵仍集金芝九莖產于函德殿銅池中九真獻奇獸南郡獲白

虎威鳳爲寶朕之不明震于珍物飭躬齋精祈爲百姓東濟大河天氣清靜神魚舞河幸萬歲宮神爵翔集朕之不德懼不能任其以五年爲神爵元年賜天下勤事吏爵二級民一級女子百戶牛酒鰥寡孤獨高年帛所振貸物勿收行所過毋出田租

二年二月詔曰廼者正月乙丑鳳皇甘露降集京師羣鳥從以萬數朕之不德屢獲天福祗事不怠其赦天下

四年二月詔曰廼者鳳皇甘露降集京師嘉瑞並見修興泰一五帝后土之祠祈爲百姓蒙祉福鸞鳳萬舉蜚覽翔翔集止于旁齋戒之暮神光顯著薦鬯之

夕神光交錯或降于天或登于地或從四方來集于壇上帝嘉嚮海內承福其赦天下賜民爵一級女子百戶牛酒鰥寡孤獨高年帛

冬十月鳳皇十一集杜陵十二月鳳皇集上林

五鳳三年詔曰朕飭躬齋戒郊上帝祠后土神光並見或興于谷燭耀齋宮十有餘刻甘露降神爵集已詔有司告祠上帝宗廟三月辛丑鸞鳳又集長樂宮東關中木上飛下止地文章五色留十餘刻吏民並觀朕之不敏懼不能任婁蒙嘉瑞獲茲祉福書不云厚雖休勿休祗事不怠公卿大夫其勉焉減天下口錢赦殊死以下賜民爵一級女子百戶牛酒大酺五日加賜鰥寡孤獨高年帛

西漢會要二十九

四

丙

甘露元年黃龍見新豐

二年詔曰迺者鳳皇甘露降集黃龍登興醴泉滂流枯槁榮茂神光並見咸受祺祥其赦天下減民筭三十賜諸侯王丞相將軍列侯中二千石金錢各有差賜民爵一級女子百戶牛酒鰥寡孤獨高年帛

三年詔曰迺者鳳皇集新蔡羣鳥四面行列皆鄉鳳皇立以萬數其賜汝南太守帛百匹新蔡長吏三老孝弟力田鰥寡孤獨各有差賜民爵二級毋出今年租

成帝鴻嘉元年冬黃龍見真定

元延四年甘露降京師賜長安民牛酒

平帝元始元年越裳氏重譯獻白雉一黑雉二

二年春黃支國獻犀牛

並紀

日食

高帝三年十月甲戌晦日有食之在斗二十度

十一月癸卯晦日有食之在虛三度

九年六月乙未晦日有食之既在張十三度

惠帝七年正月辛丑朔日有食之在危十二度

五月丁卯先晦一日日有食之幾盡在七星

高后二年六月丙戌晦日有食之

七年正月己丑晦日有食之既在營室九度

西漢書卷二十九

五

周

文帝二年十一月癸卯晦日有食之在婺女一度

三年十月丁酉晦日有食之在斗二十二度

十一月丁卯晦日有食之在虛八度

後四年四月丙辰晦日有食之在東井十三度

七年正月辛未朔日有食之

景帝三年二月壬午晦日有食之在胃二度

七年十一月庚寅晦日有食之在虛九度

中元年十二月甲寅晦日有食之

二年九月甲戌晦日有食之

三年九月戊戌晦日有食之幾盡在尾九度

元年七月辛亥晦日有食之在軫七度

後元年七月乙巳先晦一日日有食之在翼十七度
武帝建元二年二月丙戌朔日有食之在奎十四度
三年九月丙子晦日有食之在尾二度
五年正月己巳朔日有食之

元光元年二月丙辰晦日有食之

七月癸未先晦一日日有食之在翼八度

元朔二年二月乙巳晦日有食之在胃二度

六年十一月癸丑晦日有食之

元狩元年五月乙巳晦日有食之在柳六度

元鼎五年四月丁丑晦日有食之在東井二十三度

元封四年六月己酉朔日有食之

大始元年正月乙巳晦日有食之

四年十月甲寅晦日有食之在斗十九度

征和四年八月辛酉晦日有食之不盡如鈎在亢
二度

昭帝始元三年十一月壬辰朔日有食之在斗九度

元鳳元年七月己亥晦日有食之幾盡在張十二度

宣帝地節元年十二月癸亥晦日有食之在營室十
五度

元鳳元年十二月乙酉朔日有食之在婺女十度

四年四月辛丑朔日有食之在畢十九度

元帝永光二年三月壬戌朔日有食之在婁八度

四年六月戊寅晦日有食之在張七度

建昭五年六月壬申晦日有食之不盡如鈎因入

成帝建始三年十二月戊申朔日有食之在婺女

九度

河平元年四月己亥晦日有食之不盡如鈎在東井

六度

三年八月乙卯晦日有食之在房

四年三月癸丑朔日有食之在昴

陽朔元年二月丁未晦日有食之在胃

永始元年九月丁巳晦日有食之

二年二月乙酉晦日有食之

西漢會要二十九

三年正月己卯晦日有食之

四年七月辛未晦日有食之

元延元年正月己亥朔日有食之

哀帝元壽元年正月辛丑朔日有食之不盡如鈎在

營室十度

二年三月壬辰晦日有食之

平帝元始元年五月丁巳朔日有食之在東井

二年九月戊申晦日有食之既

凡漢著紀十二世二百一十二年日食五十三朔

十四晦二十六先晦一日二並五行志

日月變異

武帝建元二年四月戊申有如日夜出紀

元帝永光元年四月日色青白云景止中時有景云光是夏寒至九月乃有光

成帝建始元年八月戊午晨漏未盡三刻有兩月重見

河平元年正月壬寅朔日月俱在營室時日出赤二月癸未日朝赤且入又赤夜月赤甲申日出赤如血亡光漏上四刻半乃頗有光燭地赤黃食後乃復三月乙未日出黃有黑氣大如錢居日中央並五行志

星孛

天文志所載已見天文類五行志所載別見于此

高帝三年七月有星孛于大角旬餘乃入

三十一

西漢會要卷之六

八

曹

文帝後七年九月有星孛于西方其本直尾箕末指虛危長丈餘及天漢十六日不見

武帝建元六年六月有星孛于北方

八月長星出于東方長終天三十日去是為蚩尤旗見則王者征伐四方

元狩四年四月長星又出西北

元封元年五月有星孛于東井又孛于三台

宣帝地節元年正月有星孛于西方去大白二丈所成帝建始元年正月有星孛于營室青白色長六七

丈廣尺餘

元延元年七月辛未有星孛于東井踐五諸侯出河

戎北率行車袞大微後日六度有餘晨出東方十三
日夕見西方犯次妃長秋斗填蠱災再貫紫宮中大
火當後達天河除於妃后之域南逝度犯大角攝提
至天市而按節徐行炎入市中旬而後西去五十六
日與蒼龍俱伏並天
行志

星隕

成帝永始二年二月癸未夜過中星隕如雨長一二
丈繹繹未至地滅至雞鳴止五行志

亡冰

武帝元狩六年冬亡冰

昭帝始元二年冬亡冰並五行志
紀作六年

雪

文帝四年六月天雨雪

景帝中六年三月雨雪

武帝元狩元年十二月大雨雪民多凍死

元鼎二年三月雪平地厚五尺

三年三月水冰四月雨雪

元帝建昭二年十一月齊楚地大雪深五尺

四年三月雨雪燕多死並五
行志

成帝建始四年夏四月雨雪本
紀

陽朔四年四月雨雪燕雀死五行
志

霜霽

武帝元光四年四月隕霜殺草木

元封三年十二月雷雨雹大如馬頭

宣帝地節四年五月山陽濟陰雨雹如鷄子深二尺五寸殺二十人蜚鳥皆死

元帝永光元年三月隕霜殺桑九月二日隕霜殺稼成帝河平二年四月楚國雨雹大如斧蜚鳥死並五行志

總天變

惠帝二年天雨血於宜陽一頃所積

武帝建元四年有風赤如血紀

元光五年七月大風拔木紀

天漢元年三月天雨白毛三月八月天雨白鼈毛之疆曲者

西漢會要卷二十九

西漢會要卷二十九

十一

五

成帝建始元年四月辛丑夜西北有如火光壬寅晨大風從西北起雲氣赤黃四塞天下終日夜着地者

黃土塵也志

十二月大風拔甘泉時中大木十韋以上本紀韋與圍同

哀帝建平四年山陽湖陵雨血廣三尺長五尺大者

如錢小者如麻子

平帝元始四年冬大風吹長安城門東屋瓦且盡並五行志

志行

西漢會要卷第二十九

